

دائماً منحكي عن المشاكل بين المكون المسيحي والمكون المسلم.

بس دائماً بأدبياتنا منذر بالمشاكل الطائفية والمذهبية بقلب كل مكوّن على حدا، يلي هي كمان كارثية ودموية.
بالطبع المشكل المسيحي - المسلم هو بياخذ الحيز الاكبر لان مّو مشكل ديني / طائفي / مذهبي مثل ما التسميات بتشير،
انما هو مشكل ثقافي / حضاري / دنيوي بين مكوّن دنياه كنعانية (وبغالبية مسيحية دينياً)،
ومكوّن ثاني دنياه مسلمة (بديانة طبعاً مسلمة).

ولكن من يومين كان ذكرى اول مجزرة من المجازر الثلاث بحق الرهبان الموارنة بشمال غرب سوريا، بأكبر دير
الن، دير افاميا فوق حماه، حيث مات منن ٣٥٠ راهب من أفاميا للهمل، سنة ٥١٧، على يد أخوتن الشعب السرياني
يلي هو من شمال شرق سوريا ويلي اختلف معن، ومع مسيحية انطاكيا والقسطنطينية، على عقيدة حول طبيعة يسوع
الناصري: الاخيرين قالوا انها جسدية والهيّة (حسب العقيدة الحالية) (العقيدة الديوفيزية / الخلقيدونية)،
والسريان والاقباط والارمن والاثيوبيين قالوا بس الهيّة (العقيدة المونوفيزية).

الموارنة ما كانوا كنيسة بعد، كانوا الجزء الأقلوي جدّا من كنيسة انطاكيا بعقيدتها الخلقيدونية من اتباع مارون وبصلوا
باللغة السريانية (بس ما كانوا من الشعب السرياني)،

والروم ما كانوا كنيسة بعد (تسمية روم أطلقها السريان علينا سياسياً، اي "المناطق الخاضعة للرومان - البيزنطيين"
وبعدان استعملوها الاسلام)، كانوا الجزء الساحق من كنيسة انطاكيا بعقيدتها الخلقيدونية وبصلوا باللغة اليونانية يلي
فرضها قسطنطين للصلاة والليتورجيا ومنع الكنعاني سنة ٣٢٨.

الموارنة (يلي بعدان، نظراً لاستعمالن اللغة السريانية، رح يتسمّو الموارنة السريان او السريان الموارنة، وكنيستن رح
تتسمى الكنيسة السريانية المارونية بدل كنيسة لبنان الحرة) وقفوا مع ابناء شعبن يلي بعدان صاروا طائفة الروم، ودفعوا
الّثمن الباهظ.

للعلم انو المجزرة الثانية كانت على يد البيزنطيين سنة ٦٨٥ بأمر من يوستنيانوس الثاني يلي اتفق مع معاوية عليّن
وعأول بطاركتن مؤسس الكيان اللبناني يوحنا مارون، رغم انو بيو يوستنيانوس هو يلي جاب المردة تيساعد الموارنة
بلبنان.

والمجزرة الثالثة كانت سنة ٩٣٦ بأمر من حاكم الدولة الاسلامية العباسية الإخشيدية يلي تأسست بمصر.

وما في لزوم ذكر بالمجازر يلي عملها الموارنة ببعض، سواء سياسية او عسكرية، خاصة بالقرن العشرين.

اكيد منصلي ومنطلب حلول المحبة وقبول الاخر بحريته التامة وانو هيك امور ما بقا تصوير لان بكفيّ ذل وقهر
وتعتير.....

ويا ريت اللبنانية بكونوا راس حربة بالموضوع، هني (وانا منن) يلي آكلين كل كف عميلنا لف....